

OMUKWETU


No 4

FEBULUALI

1966

HOLA OMUKWENI NGASHI U IHOLE MWENE

Ef. 4: 32.



Omusamaria

Omulumenhu wonhumba a dja mu Jerusalem ta i ku Jeriko, okwa hangwa mondjila kovanyeki. Ove mu dula, ve mu denga nokutoshula nde ve mu fiya po nokamwenyo kanini.

Omusamaria wonhumba a enda nondjila oyo. Eshi e mu mona, okwe mu fila onghenda. A ya kuye nde ta mange oipute yaye, a tila mo omahooli moipute, e mu fifidila meumbo lovaenda nde te mu hungu. Na ove inda u ka ninge ngaha.

Ohole oyo efina louwa aushe. Oilongo ngenge tai kala i holafane, nena otai kala nawa. Ngashi Omwene Jesusu ta lombwele ovalongwa vaye ta ti: "Oshipango oshipe ohandi mu pe mu holafane ngashi nda kala ndi mu hole. Osho nanye yo mu holafane" (Mt.13: 34)

Onghe Omuyapostoli Paulus okwa li a tala, eemwenyo dovamwaina mu

Efeso kadi li nawa. Mokati kavo omu na omautondwe neenhamanana. Okwe va dimbulukwa kutya, ova kanifa elaka lOmwene eshi ta lombwele ovalongwa vaye, ta ti: "Hola Omukweni". Omwene Jesus oye e liyandja mokufya mOlwohole yaye yoku tu hola. Okwa dima po onyanga yetu. Onghe ta kumaida, tu dimine po ovakwetu omanyono avo, ngashi he tu dimine po o-

manyono etu. (Mt. 6: 14) Osheshi olo eyakulafano liwa lovalanduli vOmwe-ne. (Kolos 3: 12-13) Onye ovahoololwa va Kalunga ovayapuki, djaleni efilinghenda nombili nelihupipiko nengugumano nonhalaneni.

Lididimikilafaneni, diminafaneni po omatimba eni ngenge mwa ningafana, ngashi Kristus e mu dimina po. Paulus Munalje.



OMUKUETU

Febuluali 1966

OVE OMUKWA- NYAMA TUU?

Ove omukwanyama tuu? Oshike hano hatu mono luhapu wa shanga oipopiwa yoye imwe mOshindonga? Ile oto landifa po elaka loye u li di-ne? Nyola Oshikwanyama mani, osho nosho omapulo.

Omapulo aa onde a pulwa luhapu. Vamwe va nyolela nge nokuli nde tava pula eshi. Onda hala ndi va nyamukule apa pauhupi.

Ame omukwanyamalela, omushi-ndi wa Kanhene, oludi li hole eengobe, ndele pashilonga handi shi longo paife, ondi mundonga, omukwambi, omungandjera, omukavango, omuherero, omutakumi, omumbwela, osho nosho. Omolwa shike mbela? Pamwe ino shi lipula eshi wa limbililwa ngenge handi nyola sha mOshindonga.

Ame ohandi longele ongerki yetwenni, oyo i na oilyo yomalaka oludi luhapu. Ovambwela ovange, ovandonga, ovambalanhu osho nosho ovange. Ohandi longo nokunyola oinyolwa yovanhu ovo aveshe, pehe na olutandu. Atushe ongudu imwe. Aveshe ova meme. Ofye va ina imwe muKristus nomoshiwana. Oinyolwa youkriste oyovawambo aveshe. Ohandi longele oshiwana ashishe, ha okapambu. Edimba keshe la apartheid mongerki yetu noshiwana, onda hala li fye filu. Ove owa fa we li hala. Onda hala ndi popye nawalela omalaka aeshe omOwambo. Omalaka ovatilyane yo onda hala oku a shiiva, ovo pamwe na ame otwa filwa kuKristus umwe. Oshikavango olo yo elaka la meme. Nda hala eemwenyo adishedishe mOwambo di hupifwe. Kedalo nge ndi li omukwanyama, moi-longa ondi muwambo. Olutandu nali fye. Ofye olutu limwe muKristus. Ino kumwa hano nge handi nyola nande oshiNama.

L. M. Shemuvalula



Yamwe pethimbo ndika lyomaminimini taa dhini oohapu d'Evangelii, ye dhi tutula, ye dhi tsa koshini e taye dhi thangele kokule. Ino shi yelekela! Tuyeneni mongerki aluhe nenyanyu ha noshizimbi komutima.

OMUYENDA A SIMANA GWOKU GENEVA A TALELE PO ONGERKI

Omusamane Dr. Hellberg, amushanga gwongongahangano yaakwaLutheri muuyuni kombinga ya Afrika, okwa talele po ongerki yOvawambokavango okuza eti 9-12/2/66.

Ombelewa ye oyi li mu Geneva noha longo unene miinima yeyakulo mu Afrika. Iimaliwa hayi zi kongongahangano yaakwaLutheri, ohayi pitile mombelewa ye. Ongerki yetu ndi shi ohayi mono omakwatho ogendji kongongahangano, ano omolu omakwatho ga tya ngaaka Dr. Hellberg okwi ile a tale nkene iimaliwa ya tya ngaaka ya longithwa notayi longithwa natango.

Ota tala wo ongerki nkene tayi koko, onkee sho a thiki kOniipa eti

9/2/66 ketango, esiku lya landula okwa ka endaendithwa opo a talele po omahala ngashi Engela, Oshakati, Onguediva, Oshigambo, Onandjokwe, Oniipa nosho tuu. A talele po wo oshinyanyangidho.

Okwa tala wo nkene ta vulu okulonga mekwatathano lyokwaambidhidhathana mepya lyOmuwa.

Omumbisofi L. Auala, pamwe nomunyoleli gwongerki, tate M. Nghipandulua, oye mu thindikile metalelopo ndika komaha nomaha.

Okwa tsikile ondjila yetalelopo kOkavango eti-12/2/66 nokuza nkoka otaka shuna mela lyondjila yoku Geneva ku Europa.

OVAKWANYAMA 30 TAVA TALELE PO OREPUBILIKA

"Okwa tokolwa nale nokuli, ovakwanyama va talele po Suid—Afrika. Paife 30 otava ka fikama lwopo 17—18 Malitsa okuya ko," osho omushamane Immanuel Nghihulifua, omutaleli

weefikola mOukwanyama, a popya.

Okwa weda ko ta ti: "Mongudu ei mu novafita, ovahakuli novalongi vamwe po. Twa hala tu hange eeskola daakwinya tadi longo." Omuhona Low, wEhumokomesho mOshakati, ota i pamwe na vo. Otava ka kala ko omafiku 20 nde va teelwa va aluke mefiku etine la Apilili.

“OVAMWAMEME, KALENI MOKU TU ILIKANENA”

1 Tess. 5:25.

Fye ava hatu longo mehalakano, hatu mu kundile po.

Eshi twa ongala mOtyimbingwe moshiongalele shetu shovaevangeliste



Ev. Werner Amuaalua

OSHESHI OVO OSHIWANA SHOMONGULA

Iitya mbika oyOshikwanyama, ihe onda hala ndi yi lundululile mOshindonga. Ondi itsu iitya mbika moshileshwa shimwe, ano tayi ti: “Oshoka oyo oshigwana shomongula.” Onda tala shoka tashi ti, nani oyo aagundjuka yongerki yetu onkwaevangelisti. Onawa, oyo oshigwana shomongula. Eeno tuu, omatumbulo gogene ogu ukila ko naa naa shili, aagundjuka oyo shili oshigwana shomongula.

Mpaka oku na ongundu ndjoka yi iluku edhina ndika “aaidhiliki yiikolitha.” Edhina lyolyene ewanawa shili, ihe oshitya shoshene osha fa kashi na nawa oonkondo. Ano, sha fa oshinima shethimbo, ihe onawa ngele taku kongwa edhina li na oo-

voshiyakulwambinga shokOushimba, otwa koneka kutya, hatu pumbwa shili tu ilikane ndelene tu ilikanenwe yo komaongalo etu. Shashi ngenge hatu longo neendunge neenghono detu vene, itatu dulu sha. Kaleni hano ovamwameme tamu tu ilikanene, tu shiive okulongifwa kOmhepo ya Kalunga.

Onda faneka ovakwetu ovo va li moshiongalele shetu shokOtyimbingwe nonda kwatwa kediladilo eli, ndi tume omafano avo moshifo shOmukwetu, opo mu shiive oku tu ilikanena. Omukulunhu mokati ketu oye tuu ou: **omwevangeliste Werner Amuaalua, posbus 445, Otjiwarongo.** Momudo tau ya, tate Werner Amuaalua ta ka wanifa eedula omilongo hamano (60) nokuli. Okwa longwa mofikola yovamati mEngela nokwa pita mofikola yovaevangeliste momudo 1947. Tete a longa eedula nhatu kOhalushu nopo nee momudo 1950 a hovela omu mOushimba mOtjiwarongo, omo ta longo natango nouidiini. Pamwe na ye nomukulukadi waye Helvi, tava pumbwa omailikaneno etweni nosho yo ounona vavo Asser, Wilhard, Sanherib, na Hesekiel.

Jesus Kristus oye Omwene.

Pauli Laukkanen (Mbeletanga).

nkondo. Andi ya ndi tumbule po limwe, ano, tu tye nandokuli: “Ehangano lyaanyanyali yiikolitha.” Oshoka oshinima shoka omuntu te shi nyanyala, ite shi li we nando. Uuna ndoka to yi poshihwa ope na iiti yoombe, ito kala po, nande wa li wa hala u gondje po, ito gondjo po we. Oshoka owa nyanyala po. Osho ano omuntu ngoka a nyanyala iikolitha, ite yi nu, ye ite yi longitha we.

Ando oshigwana shomongula tamu monika aagundjuka aanyanyali yiikolitha, ando oshigwana shomongula tashi thiki nawa kethikilo lya-sho. Onke ano mboka aakuluntu mu li mehanganano lyaanyanyali yiikolitha, fatululeni nawa shoka mwa mono mo miikolitha. Opo aagundjuka yetu ya tseye omutondi ngo, e na ondu-mbo noshigwana shetu.

Ev. Seblon M. Shilongo.

OMUKULUNTU ETUNGWA LYA SIKILILA OMBEPO

Omatumbulo nomayeke ga longithwa kookuku yetu, kehe limwe oli na ombinga ndjoka tali yeke mokati ketu. Tse aagundjuka yongashingeyi otse tu li po ngoongala dha ziza, ihe wa tseye tuu kutya ongala ita yi vulu okwiithikamena yaa na omidhi nekota?

Natu tale unene kombinga yetu. Otse mbaka twa mono esilohenda lyelongo lyuukriste nenge lyomalaka. Tango manga waa shi sha, oshe ende ngeyi: Aakuluntu yoye sho ya make-la kashona uutoye welongo, oya tameke oku ku taambitha wo uutoye tuu mbo. Nookuli oyo yene sho ya ningi yoomvula odhindji no itaa wapa we okukala omutumba miipundi yosikola, oya uvathana ye ku tume ko, onga omupeha gwawo. Osho oonkondo dha Kalunga dhe ku longitha nomolwomagalikano gawo, Kalunga e ku thikitha sigo eithano lyoye. Ngaashi omaithano oge li po ogendji, na ngoye osho wa mono lyoye lyeyakulo mokati kaantu aashitwa ya Kalunga ayehe, oohepele, aathigona, aayamba, aashiwikile naa mboka inoo mona nando onale.


Petameko kashona wa fa tuu to longithwa kombepo ya Kalunga nopaitano lyiilonga, ihe sho to talatala omeho goye koombinga noombinga, ngashingeyi to tameke oku idhiladhila: Na ngame wo nda fa ongala ndjiya?

Nanziya osho wa ti. Ngashingeyi owa ningi omuntu omunene ku li we mepangelo lyaakuluntu. Na ito ya yakula we ngaashi oyo ye ku yakula nale ethimbo lyokukala kwoye moskola manga wa li to longwa oondunge molwayo. U shi oto ningi nawa ngawo? Aawe tuu! Meyakulo lyoye ngele to tondola, dhiladhila tango Omuwa Jesus sho a li kombanda ye-vi kutya, okwa kwatha mba ya tya ngiini. Unene tala sho ta laleke aalongwa ye, Mat.28:19-20. Kehe shoka to shi ningile kamwe ko mwaa-mbuka, ongame unene to shi ningile.

Viktor Kañalelo.



OSHIKOLOLO SHEGUMBO



**Meme,
LELA NAWA, NOONDUNGE OKAHANONA
KOYE.**

Ngele to valele kegumbo, ino manga ekuvu lyokanona noluthipa, no ino tula ombeke pekuvu nenge omukanga! Miinima mbika mu noshiponga, tashi ti: oombuto dhuuvu wokwikanyatela tau dhipaga okanona.

Longekidha iinima mbika, manga u li metegelelo: Ongodhi, noshikonde, nokalapi ka yela. Longitha ongodhi yokuhondja, yi yogohela kumwe sigo 25, opo yi kole nawa. Nongodhi noshikonde to yi fulukitha nawa, manga ino teta po endjandja.

Siikila ekuvu nelapi lya kangulwa nawa noshikangulitho oshipyu, nenge nelapi lyowala etokele lya yela nawelela. Yoga iikaha yoye, manga ino kwata okanona.

Endjandja hali mangwa popepi nekuvu, ha kokule unene.

Gamena ngeyi omagano ga Kalunga, we ga pewa ku Ye.

Ngele wa ithanwa u valele monasaresa, ila kuyele, manga oshitheta inashi tameka.



Ino piyaganeka okanona niinima ya nyata

OHOLE YA KALUNGA

Twi igilileni okudhiladhila kondundu ya Sinai Kalunga okwa hangana naaIsrael, niinima ayihe ya ningilwa ko, oyo oyawo na Kalunga.

Ihe Kalunga okwe ya lombwele: Tamu ka kala mokati kaantu ayehe aantu yandje mwene, oshoka evi alihe olyandje, 2Mos. 19: 5.

AaIsrael ya pewa oshipewa shawo omolwa shoka evi alihe olya Kalunga, omolwa shoka iigwana ayihe oyo ya Kalunga.

Otu shi shi, aaIsrael nkene ya yonwa kuulunde. Omapipi ogendji nokuli inaga wapa okutsakanitha oshilonga ye shi pewa ku Kalunga.

Ihe eitoko lyomuntu itali vulu okukelela ehala lya Kalunga, omadhiladhilo ge gaa tsakane andola.

Oshigwana sha Israel sha yakulile aantu ayehe **Ombimbeli**. Aaprofeti naayapostoli oyo yomuyo, mboka ya nyola Etestamenti Ekulu nEpe. Oyo ya yakulile aantu ayehe oohapu dha Kalunga itadhi galuka owala, ihe tadhilongo shoka dhe shi tuminwa nomokati koshigwana kehe.

MaaIsrael omo mwa zi wo Ohapu nguka a ningi onyama, Omuna gwa David, Omukulili guuyuni auhe, opo apehe nakuhe shaa ngoka e mu itaale kaa kane, ihe a mone omwenyo gwaaluhe.

Mu Jerusalem, moshilando oshiyapuki shaaIsrael, omo Jesus okwa ti: mwa li "ongulu ya Tate", omo Jesus okwa li ta longo aantu, manga a li kombanda yevi nomo moka okwa sile mo wo. Omolwa Jesus oshilando shika shaaIsrael sha ningi oshilando shuuyuni auhe, moka mwa gandjelwa ondjambo yokuhupitha aantu ayehe, opo ehupitho lya Kalunga li faalelwe kooaha dhuuyuni.

Nando oshigwana shaayIsrael shantseyele, onkene tuu Kalunga e shi isogitha shi gwanithe oshilonga shuasaseri noshomutumwa gwa Kalunga mokati kiigwana yilwe. Omuntu gwowala kehe nepipi kehe lyi ikutha mo moshilonga sha Kalunga nolya kalele uuyuni, oyo lyi iundulile mo moluhepo lu thike peni!

L. Lindström.

AAGUNDJUKA YANE OYA ADHA SKOOLEINDSERTIFIKAAT


Aalongwa yane yomu mboka ya-hetatu ya nyola omakonakono gawo ga hugunina mOshigambo Hoërskool omumvogu, oya pita notaa ka mona oonzapo dhawo dha simana dhi na edhina ndika "Skooleindsertifikaat" nenge "School Leaving Certificate." Mboka yane oyo:

Matti Amadhila, Ongandjera;
Aletta Amadhila, Ondangua;
Moses Amkongo, Ontananga;
Rauha Namaue, Onyaanya.

Enyanyu oli thike peni! Kalunga na hambelwe ngoka e ya pe oondunge nuukolele wokomalutu nuudhiginini u thike mpoka, taa vulu okukondja uule woomvula odhindji moku-longwa kwawo, sigo ya sindana.

Oya li ye nokunyola omakonakono miilongwa ihamano, nomapulo oga zi muPretoria kongundu ndjoka tayi lukwa Gemeenskaplike Matrikulasieraad nenge Joint Matriculation Board nohayi konakona okutseya kwaalongwa mooskola dhi ili nodhi ili mu Republika nomwAfrika lyokuu-

ningininomutenya. Mboka taa pitikwa okunyola omakonakono, ngaka, ye nokukala moskola oomvula odhindji. Tango ye nokukala moskola yaanona, sigo ya piti ekonakono lyostanda ontihamano. Oyo ihe ye nokukala moSekundesikola, ya longwe oomvula ndatu, manga inaa nyola ekonakono lyoJuniolo. Sho ye li pita, ye nokukala natango moHoërskool oomvula mbali, tashi ti taa longwa mostanda ontimugoyi nontimulongo (oform IV noform V), nopehulilo lyostanda ontimulongo taa nyola ekonakono ndika edhigudhigu ihe.



Mbaka ye li mefano oyo aalongwa yomOshigambo 1965. Yamwe yomuyo oya nyola ekonakono lyomatrika. Momukweyo gwokonima okuza kolumoho wu uka kolulyo oyo: Nikanor Mbumba, Leonard Taapopi, Salatiel Angula, Matti Amadhila, Alpo Mbamba (omukavango.) Komeho okuza kolumoho oyo: Moses Amkongo, Aletta Amadhila, Rauha Namaue na Lahja Kapofi.

OSKOLA YOOMBWA

Ombulu yimwe pofaalama, Stampriet, oya tameke okudheula oombwa, opo dhi kale hadhi ka tala uuyandje komakwena.

Mnr. M. J. Garbers okwa kayile emutulumbai pamwe nomuluudhe a londa konima. Okwa mono kaandje nokwe mu lambakanitha sigo a vulwa. Kaandje a kwatwa komuluudhe.

Sho ye ya kegumbo, okwe edhili-lwa mokamba ya tungwa owina yuuyandje. Omu na wo omakwena moka-

mba ndjo. Oombwa ohadhi etwa wo mokamba yimwe nuuyandje.

Kaandje ngele ta mono ombwa, ota hiti kokwena. Ombwa otayi tumwa nee kokwena, nkoka kwa hiti kaandje, opo yi ke mweete ko.

Pamukalo nguno, oombwa otadhi tekulilwa okukala hadhi ka tala oombandje komakwena, uuna ookaandje taa tidhwa miuhwa.

Ondunge ndjika oya longo nawa na Mnr. Garbers oku na nale nokuli ongundu yuuyandje mokamba, u thi-ke 109.

OKUPUTUDHWA NOKUKALAMWENYO KWANDJE

Onda valelwa mu Mupini, oyo ego-ngalo lyaandyetu sigo ongashingeyi. Esiku lyevalo lyandye eti—13 Juni 1943. Tate na meme oyo aakriste. Ngame omutiyaal maa-kwetu, onkee ndi ilongo omikalo odhindji ku mumwameme ngoka nda landula.

Eputudho lyandje olya li ngeyi: Tate okwa li omuntu omunambili, ta popi aluhe oohapu oontalala dhombili, ndhoka dha hokitha ndje okukala aluhe pu ye. Okwa li e hole aluhe oshitya "kwatha," shoka e shi kunu mu ngame nosha mene wo.

Esiku limwe sho nda li nda senota na onda mono Aino, omumwameme, ta nu ontaku, ondi indile nda ti: "Aino, pe ndje okakopi ndi nwe." Onda tala ku tate nda fa nda hala tate a yuge Aino okakopi e ka pe ndje. Onda dhimbulula owala oshipala sha tate sha pamba eta ti: "Anna, owa li u nokwiindila ngiini?" Ngame onda tameke okulila, nopo mpoka tate a kutha po okakopi nokwe ka tsilike. Onda yi pondje. Aino okwa lombwele ndje. "Inda u ka pe tate ombili, oshoka we mu geyitha." Onda ka gandja ombili na tate okwa lombwele ndje ndi indile wo ku Aino ombili. Sho nde shi ningi, okwa pe ndje ihe okakopi nonda nu.

Meme oye gumwe a longo oshilonga oshinene mokuputuka kwandje. Okwa longo ndje okugalikana na manga omunona omushona ndaa shi sho te ti. Momagalikano ge gongulohi kehe, okwa li he tu tumbula atuhe: "U ya putudhile moku ku tseya. Ya ninge yoye," okwa li he yi tumbula aluhe. Oye a longo ndje omaimbilo ogendji, limwe lyago ndi li hole: "Okomawawa omakwagulu, Otse nge hatu gamenwa po, Nena iiponga itayi vulu, oku tu yuga vululuko."

Oyo ya tumu ndje moskola. Ya yakula ndje nawa nokutsa ndje omukumo mokukala mo. Otaa longo natango oshilonga shawo sheputudho ewanawa sigo onena.

Onda hokwa shili okukala aluhe paa-kuluntu yandje. Omwenyo gwandje oha gu nyanyukwa shili mokudhiladhila oshilonga shawo ye shi longo mu ngame. Ohandi ya galikanene aluhe, Omuwa e ya pe oonkondo natango moshilonga shawo.

Anna—Liisa Markus

DJALENI OMUNHU OMUPE

Ef.4:32.

Osho tu wete kutya, okukalafana noukaume noovakwetu, okufilafana oshisho nonghenda nokudiminafana po omatimba, otwe shi pewa oshipango, hano tu noku shi ninga, osheshi twa teelwa tu wanife oshipango eshi. Tu noku ninga, osheshi Jesus omupangeli wetu osho a ninga yo. Ou ita kala nomikalo edi, oye a tauluka oshipango shOmwene oye a dina nota lyatele poshi oshipango shomupangeli wetu.

Akutu ovakwetu nghe fye tu li. Oluhapulela inatu holafana. Ponhele ya eshi otwa tondafana. Oluhapu inatu kala noukaume, ndele twa kalafana nehandu, nonghone, twe li keshelafana komayoo. Ponhele yoku lifila onghenda, luhapu twa lulumikafana, twa kotokelafana, twa nyekafana, twa ambafana, twa kengelelafana, twa hepeka yo oinamwenyo molupe lwonhumba, twa dipaafana osho no sho. Luhapu inatu diminafana po omatimba, ngashi omupangeli wetu Jesus e shi ninga.

Jesus oye oshihopaelwa shetu. Okwa fila aveshe onghenda, okwa dimina po aveshe. Eshi a tukwa, a shekwa, a dengwa, a fiilwa omate, ye ine va alulila nande owii. "Omwene va dimina po; osheshi kave shii eshi tava ningi", osho a tonga luhapu. Ina kala nounhwa, nonyanya, nodino, nomanganga, nehandu, noineya, osho nosho. Okwa dulika sha dja mokulinipika fiyo mefyo, opo a ninga omupangeli wa ashise. Ofye twa pewa nde tu na okulandula oshihopaelwa eshi. Tu didiliken: Ou aeke a diminwa po omatimba, ota dulu okuhopaelela Kristus.

OMULOKA MU KALAHARI

Oshitopolwa sha Aroab osha lokeka. Omuloka gwa tya ngawo ogwa kumike oombulu, onkee ngashingeyi otadhi imbagana niilonga.

Omusamane P. Esterhuyse gwo pu Gunus, okwa longa po nale oshilwa shoorge 20 moka ta kunu omapungu.

Ota tegelele eteyo olindji nombala nokuli manga okufu inaaku ya.

MOKAHAO

Omuwiliki nomulongi gwolwiimbo mOkahao Samuel Namulo a talele po esiku limwe oshinyanyangidho. Moonkundathana okwa ti: "Aagundjuka yOkahao oya nyanyukilwa unene olwimbo. Otaa gongala nawa. Otaa thi-

minike olwimbo lwaa kane po nando." "Esiku kehe lyolwiimbo", osho a tsikila, "ohatu imbi aluhe ovelise ndjika: Imbileni nawa, simanekeni Kalunga." Namulo okwa gwedha ko ta ti: "Aagundjuka yetu oya hokwa etumbulo: Dhimbulukwa Omushiti goye opomasiku guugundjuka woye."



Ongundu yaagundjuka mOkahao. Omusamane J. Namulo okwa thikama kombinga yolulyo.

Omeya ga fala

Omukulukadhi omuluudhe, kwa adhika ta tauka omeya, oge mu kungululile mondama oomaila 15 popepi nOshiwalongo.

Omoluule wondama, oonkamba dhala adhihe dhoku mu hupitha odha li osima yowala, onke ine gu latha we.

U. S. A. (Amerika)

Epangelo lya U. S. A. otali indike aayAmerika mboka haa kutha ochroom ku Rhodesia, ye shi hulithe.

Etseyitho ndika olya ningwa kOdepartementi yoshilongo noye nokulandula omukalo gwa Engeland gwokwaahakutha we ochroom ku Rhodesia.

Omupopi gwodepartementi yostrata okwa tumbula ngeyi: Rhodesia o-lyo lya kala olunza olunene lwa chrom.

UUSHIMBA OWA LOKWA NOONKONDO

Oondama odha tuyagulwa, amatutenda oga faalelwa nuupale woondhila owanayipalekwa komeya.

Omvula onene oya loka mokati nokolundume IUushimba.

Mopeleka ya Kaitinasopa, omeya oga teyagula po oondama mbali dhopepepi nofaalama Auros.

Kolundume lwa Kaitinasopa olutenda olwa kungululwa neshina lya zi kOlukadhi inali vula okuya komeho. Aayendishina oya tegelele uule wotundi netata. Konima oyi ilwa po kekambamba nolye ya thikitha kOvenduka nkoka ya wapa okutsikila nomashina nokuuka kOlundume.

Oshitopolwa sha Karasburg omvula oya loka owala ontumba nomuthipa. Oombulu otadhi tegelele natango omvula noondjuulukwe.

Pomalitahee uupale owa nayipala, onkee oondhila dhomadhadhaga odhi ithanwa okukwatha.

OUNYUNI OTAU TONGO SHIKE

ENYANYU

Ayehe mboka ya nyola Junior →
Sertifikaat mOshigambo, oya pita:

Rautia Angula
Hetta-Hedvig Auene
Ndamono David
Leila Hamunyela
Johanna Kashea
Anna Ndeshipanda
Hilja Ndjendja
Loide Sheya
Ilona Uupindi
Hilja Uutoni



Mu Sekondêre Skool kOnguediva,
oya piti mu Junior Sertifikaateksamen:

Paulus Amadhila
Naftal Hamhata
Olavi Hamunghete
Absalom Hasheela
Johannes Kahima
Natanael Muahafa
Paulus Musheko
Festus Adolf Muthoko
Sem Ndekuila
Teofilus Nekamba
Tomas Shiimi
Isak Shikongo

ENYANYU LYA IAN SMITH

“Onda nyanyukwa noonkondo omolwomahooli ga zi ku Suid-Afrika”, Smith osho a tumbula. Okwa gwedha ko natango kutya, oku shi shi omaudhigu oge noku ya adha, ihe ota pandula omakwatho gi ili nogi ili gopetololi tage ya zile ku Suid-Afrika.

ONGUNDU JA WILSON YA SINDANA

Ongundu ya H. Wilson, ongundu yilonga, oya sindana mokahogololo ka ningwa pokati mombinga ya Hull North.

Ongundu ndjika oya sindana nomawi ge thike 5,351. Opwa li enyanyu, oshoka 1964 ongundu ndjika oya sindanene owala nomawi guwindji uthike 1,181.

Ooministeli dhiilongo odha nyanyukwa ehogololo lyoshigongi sha ayehe sho tali ka ningwa mu Malitsa.

Oshiponga shomondhila

Aayendindhila yane, aaingilisa pamwe nomuhingi gwawo, oya si ondhi-la sho ya li tayi tuka mu Kenya. Oya adhika miilonga yokwoopaleka ooradio.

UUPOSI WA ZA MOKWAANOWINO

Mu Blantyre, oshilando shi li mu Malawi, omwa zi onkundana tayi ti: Mu Malawi omu naaposi aakuluntu ye thike 25,000 naanona ye thike 2,000-6000, omukonakoninongo omwiingilisa F. H. G. Tooze, osho a tumbula.

“Sho nde ya muno,” Tooze a ti, “onda ndhindhlike oshinima shoka tashi tilitha mu Malawi osho, aaposi mbaka inaa valwa aatsikameho nokaya li ye nokukala ngaaka. Oyo aaposi omolwa okwaahe nowino.”

Omusamane Tooze okwa ti: Uuvu womeho, trachoma, owo wa pa-

ngele mokutsikitha aantu yomu Malawi. Okwa gwedha ko natango kutya, oombuto dhuuvu odha li dhi shi kondjithwa nomiti dhomeho hadhi landwa koohapoteka.

Omusamane Tooze oye omukuluntu gwoskola yaalongi yaaposi mu Britania. Oye ota kala oomwedhi ndatu mu Malawi nokukonakona oshiponga shuuposu mu Malawi papulo lyongunduhangano yaaposi.

Ongunduhangano oya gandja R8,000 kuupangelogona okukwatha mpango lyaaposi mu Nsanje nenge Port Herald, ngashi shi ithanwa nale. Mehala ndyoka omo oshiponga sha geya noonkondo.

NIGERIA

Omalenga gatatu gomu Nigeria oga dhipagwa. Abubakar Tefawa Balewa, elenga ekuluntu, Festus Okotie Eboh, elenga lyiiniwe nelenga lyoshitopolwa shokOlundume Ahwadu, lwa Nigeria, oya dhipagwa.

Jaali yomaapolosi ya Abubakar ya dhipaga wo yaali yomaadhipagi, manga yo yene inaaya yahwa.

OMUMINISITELI OMUKIINTU GWA INDIA

Mr. Alexeci Kosygi, okwa halele mrs. Indila Gandhi omayambeko, sho a hogololwa a ninge omuministeli gwIndia. President Johnson okwe mu hiya, oyo a talele po Washington.

IIGONGIHOGOLOLI YA S.W.A.

Oshigongi sha ayehe shehogololo lyiilyopangeli sha S.W.A., otashi ka ningwa eti-30 Malitsa. Mesiku tuu ndyoka omo wo tamu ka kala shoka sho Republika.

OSHIFO OSHIPE

Opwa holoka oshifo shoonkundana oshipe, “The South West Sun.” Osha nyolelwa aaludhe yomu Suidwes. Ohashi nyanyangidhwa mOvenduka mOshimbulu nomOshiingilisa. Ohashi gu oosenda mbali.

OMAHOOI GA KUNGULUKILE MU ZAMBIA

Omahooli goohelenge dhi vule 3,000, oga kuthwa mu Dar-es-Salaam noge etwa mu Zambia. Shika osha ningwa kehangano ndyoka lya lukwa Britavia.

OKWI IFIKE PO MWENE


Omukulukadhi gwomuherero, gwoovula 16, Salotti Karawantju, Okahandja, okwi itomeke mwene nokapalwa. Okwe shi ningi konima yoontanana dhawo na yina omolwa uuteku wegumbo.

OMAVU OTAGA KONAKO- NWA MONANDJOKWE

"Ilonga yeshina X-ray mOnandjokwe otayi kwatha nawa," osho omusamane Albin Abed a pyopya moonkundathana. Okwa ti wo: "Eshina ndika otali vulu naanaa okuminikila meni lyolutu lwomuntu nokumona shoka sha halika shi monike." Otali mono uuvu u li moontumba, momapunga noomuukololo auhe wolutu. Iinima ya ninwa ngashi oonane, omasipa,

oonkenya osho nosho otayi monika nawa mpoka ya gama molutu keshina. Omasipa ga teka nenge ga tenda omisa otaga monika nawa e tayi pangwa nawa."

Omusamane Albin Abed (34), a longa konyala omuvo peshina ndika, okwa tseyo oshilonga she. Okwa longo nale oomvula ntano miilonga ya X-ray kOlange. Omusamane Abed okwa ti: "Omundoktora oye tu uthile omuvu ekonakono lyeshina ndika, aantu naa ikonakonithe wala omavu, shaa taye ya mbala mOnandjokwe."



Albin Abed

OMULUMENTU OKUTI

Okamentu kokawambo pofalama Kavututa, ya C. van Wyk, oka adhika kongundu yomatotono gahamano. Iiyamakuti oyi ihana iikombo noya dhipaga po shimwe. Omumati gwoketha lyegolo okwe yi hundjuunine, manga ya londa koshikombo, e ta dhipaga po etotono limwe nondhimbo. Omakwawo gi ifile okavi.

Esiku lya landula, opwe ya ishewe ongwaka yimwe. Na ndjika wo okamentu ka nwine ko omeya noondhimbo.

EGIPTI OTA KELELE EINDJIPALO LYOSHIGWANA

Epangelo lyEgipti otali ka dhika ootyaatya pomaha nomaha, okukelela oshigwana shaa indjipale we. Kwa popiwa kutya, otaa longo omithi dhokuthitika oluvalo.

Ootyatya odhindji otadhi ka kala unene pondje yiilongo inene, mokati kaa mboka itaaya ka zimina okutamba omithi.

AARUSSIA YA THIKI KOMWEDHI NEGUNDJILO

Embambashina lyaaRussia (LUNANA-9) olya thiki komwedhi ongulohi yeti 3 Febuluali negundjilo. Ondjenda oya pula omasiku gatatu embambashina ndyoka sho lya thigi po evi.

MaaRussia wo yo yene omwa penduka onkumwe onene sho enima lyawo lya vulu kutula komwedhi nombili. Olya galula wo ewi nolya thiki nziya kevi.

Omusamane Jass, omutuminkundana gwa Rusland, okwa hempulula eopalo lyekwatathano lyooradio moshilaasi shokomwedhi noshokevi. Omashina wo otaga longo nawa momahala ngoka.

Embambashina olya lambele kuinginino womalale Reiner Manafans omatale gokomwedhi).

AANTU 37 OYA SILE MOSHIPONGA SHONDHILA

Ondhila yimwe mu Bremen (West-Duitsland,) oya topele pombanda, shi ya adhika andola yi thike petulilo ewanawa.

Aanongokononi oya tumbula kutya, kasha li oshipu okukonakona itekaukila mbika, opo omidhimba 37 dhi monike, oshoka omidhimba dhimwe odha hanauka po pamwe niipambu yondhila.

Omidhimba dhimwe kadhi wetike nomikwawo kadhi shivike natango, onke okwa dhigininwa owala okutala pombapila yedhina lyomuntu, osho Luftansa, omuhingili gwa mwene gwondhila a tumbula.

Aatonateli yokapale oya tumbula: Omuhingi okwa li ngaa a kondjo, opo a nakule mo ondhila moshiponga, ihe popeielela nokuza mo, oyi ipumu momagumbo gamwe noya hwama omulilo. Aayendindhila oya li 44 mu mbakayamwe aaNdowishi na yamwe oyo metanga lyaadhani yomeya lyiItalia.

OKAHANANA KE NA

OMAU LU ane NOMAOKO ane

Eenghundana da dja mu Moscow otadi ti: Okanona kedina Vera „D.,, ka dalwa eshi pa pita eedula mbali, ke na omaako nomaulu ane, otaka kulu nawa eshi omundoktora wokutanda wa Russia e ka wapeka.

„Omuhakulwa wange oku li nawa” osho omundoktora a popya efiku limwe. Kakele komaulu oo ane nomaoko ane Vera okwa dalwa yo e na omitima mbali, ominghani mbali, eefiyo nhano nokalutu kamwe kanini kehe na omutwe nomutima.

Eshi oto dulu oku shi lesa moshifo "The Windhoek Advertiser" she ti 17/1/66 ke pandja etivali.

E GWI IKUTHA

Molukanda Katutura, omwa adhika omulumentu a sa. Inaku tseyika oshike she mu li, ihe otapu dhiladhilwa okwi imangeleke.

Tuma ehokololo pamwe nefano lyoye kOmukwetu.

FINSE SENDINGDRUKKERY
ONIIPA
OVAMBOLAND